



Universitätsbibliothek Paderborn

Metropolis Salisvrgensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarium, ac loca quædam vicina

Hund, Wiguleus

Monachii, 1620

De Fvndatoribvs Hvivs Monasterii, Jbj Ad Parjetem Templi Seqventes
Scripti Svnt Rythmi.

urn:nbn:de:hbz:466:1-13591

transfretationis desideratum iter aggredi volens, quia palmam, qua capiturgloria, finis habet, oportunum & saluti proximum fore arbitrans, inter reliquamundialis rei ordinationem, Ecclesiis Dei plurimum vexatis pro posse debere reconciliari, sanè prædictam Ecclesiam, Windpergensem scilicet, veluti specialem Testamento præstantiori præferens, conferendo ei Ecclesiam Viechta legitimo decadente pastore Domino, Wolfsingo, Addimus & ob reuerentiam & dignitatem ipsius Ecclesiae, aliam Parochiam in terra Boemorum, dictam Schuotenhouen, cum villa adiacente Podmuckl pari debito & perpetuo Jure possidendas. Igitur caiuscunq; potestate seu consilio huius rei Testamentum irrum factum fuerit, in extrema examinatione diuina vltione puniatur. Facta sunt hæc. 8. Calend. April. presentibus Ministerialibus, Domino Hainrico de Pholinge, cum filii Gebhardo Marschalco, Conrado & Henrico fratre suo de Nusperg, Gerho de Fremriesperg, Hainrico de Prule & aliis quam plurimis, anno gratia 1233.

H A J N R J C V S Dux inferioris Bauariae dedit Ecclesiae in Sossau priuilegium asyli, pro facinorosis hominibus, qui ad illam confugerent, item quod bona illius Ecclesiae, pro abbatte in Windperg, non deberent oppignorari, an. 1335. renouatur hoc priuilegium ac confirmatur, per Albertum Ducem Bauariae, qui se Comitem de Vochburg, ad differentiam Alberti filij nominari voluit, anno Domini 1445.

J A C O B V S Abbas ibi emit à Laurentio Poschinger, ciue Straubingense, villam Zeidlarn prope Sossau sitam, cum omnibus Juribus, Hofmarchis ac redditibus suis, anno Domini 1463. Pater fuit agnatus huius Simon Poschinger, antea emerat ab Erasmo de Pucchperg in Winnzer, anno 1434.

H A B E T hoc Monasterium Ecclesiam, decimas ac villam in Bohemia Albrethouen nomine, ut puto à primis suis fundatoribus, qui multa bona in Bohemia possederunt, super eius Aduocatio illi sunt cum Baronib⁹ de Scwivichavv diuturnæ & granes lites, hoc 1579. anno, nondum sopiaz.

Nobiles in hoc Monasterio sepulti ac alij benefactores quorum memoria ibi extat.

De Ramsperg fundatores Capellæ, quæ nunc Capitularis dicitur, ubi ipsum rum Insignia ac lapis sepulchralis, cum hac Inscriptione, anno Domini 1306. H. dictus Ramsperger cum Vxoribus suis &c. puto esse Hainricum.

De Leubolting, de Satlpgogen, de Nusperch, de aleckhouen.

DE FVNDATORIBVS HVI VS MONASTERI, JBJ AD PARJETEM TEMPLI SEQVENTES SCRIPTIS VNT RYTHMI.

C ontinet Authores huius fabricæ potiores
Ista sepultura, quos præsens atq; futura
Posteritas sanè non cessat vespere, manè.
Hic commendare Christo, precibusq; iuuare.
Sed libet ipsorum distinguere nomina, quorum
Exitit Albertus primus; de quo duo nati
Hartovic, Berchtoldus sunt hac tumba tumulati,
Solo Berchtoldo puer Albrecht nascitur; a quo
Processerunt Leopold, Berchtoldus & Albrecht,

Sic

Sic genus & qui uocos vult partim esse beatos
 Corpora dictorum latitant hic more priorum.
 Te quoq[ue] mente pia dotauerunt Virgo Maria,
 Templi structura des gaudia non ruitura
 Ipsis in cælis, ubi regnat quisq[ue] fidelis.
 Dilige progeniem Comitis quicunq[ue] legens es.

ADDITIONES.

EVGENIVS Episcopus seruus seruorum Dei, dilectis filiis Gebhardo Præposito Ecclesiæ de Windberg eiusque fratribus tam præsentibus quam futuris regularem vitam professis in perpetuum. Desiderium q[ue] ad religionis propositum & animarum salutem, pertinere cognoscitur, animo nos decet libenti concedere & potentium desideriis congruum impartiri suffragium. Ea, ppter dilecti in Domino filij vestris justis postulationibus clementer annuimus & præfatam Ecclesiam in qua diuino mancipati estis obsequio sub beati Petri & nostra protectione suscipimus & præsentis scripti priuilegio communimus. Statuentes ut quascunque possessiones quæcunq[ue] bona in præsentiarum justè & canonice possidentis aut in futurum concessione Pontificum, largitione Regum vel Principum, oblacione fidelium, seu aliis justis modis Deo propitio poteritis adipisci firma vobis vestrisq[ue] successoribus & illibata permaneant. In quibus hæc propriis duximus exprimenda vocabulis: Ecclesiam videlicet Saizo-niæ cum adiacente allodio & omnibus pertinentiis suis, syluam quoque adjacentem monti vestro in Mülbacenæ via Virlebach cum omnibus pertinentiis suis, Embra cum pertinentiis suis, Syrichke cum pertinentiis suis, Waltsenperg cum pertinentiis suis, Mainkhouen cum pertinentiis suis, Vennebach cum suis pertinentiis. Sancimus etiam juxta deuotionem bona memoriae Alberti Comitis vestre Ecclesia fundatoris, ut ille qui de progenie sua maior natu fuerit locum vestrum & bona ad eum pertinentia pro salute animæ suæ à prauorum incursione defendat & nullus in eis exactiones imponat. Quod si inutilis fuerit, liceat vobis ipsum consilio Babenbergen. Episcopi ab ipsa defensione remouere, & alium idoneum substituere. Sanè laborum vestrorum quas propriis manibus aucti sumptibus colitis, siue de nutrimentis vestrorum animalium nullus omnino à vobis decimas exigere præsumat. Statuimus quoque ut ordo Canonicus secundum B. Augustini Regulam & institutionem fratrum Premonstratenstium perpetuis ibi temporibus inuiolabiliter conseruetur. Addentes etiam interdictum, ut nemini vestre professionis facultas sit alicuius leuitatis instituta, vel auctoris religionis obtentu sine licentia Præpositi, vel congregationis vestre de claustro discedere. Quod si discesserit nullus Episcoporum, nullus Abbatum, nullus monachorum, absq[ue] communium literarum cautione eum audeat retinere. Si verò secundò tertiorue vocatus redire contempserit, liceat eiusdem loci Præposito canonicam in eum proferre sententiam. Liceat quoque vobis in communione interdicto ipsius terræ exclusis excommunicatis & interdictis semmissa voce diuina officia celebrare. Porro sacramenta Ecclesiastica à Diocesanō suscipiatis Episcopo, siquidem catholicus fuerit, & gratiam atq[ue] communionem apostolicę sedis habuerit, eaq[ue] vobis gratis & sine prauitate voluerit exhibere, alioquin catholicum quemcunque malueritis adeatis antistitem, qui nimirum nostra fultus autoritate, quod postulatur indulget. Sepulturam quoq[ue]